

汶川概况資料輯要

汶川資料概況輯要目錄

疆域

- 壹・疆界
- 貳・形勢
- 叁・面積

沿革

山脈

河流

氣候

汶川概況目錄

祠堂街玉林長代印

建置

- 壹 溫度及氣候
- 貳 旱澇
- 叁 風雨
- 肆 縣城
 - 一・城垣
 - 二・街道
- 伍 鄉店
- 陸 關隘
- 柒 橋樑
 - 一・橋名
 - 二・繩橋造法
 - 三・溜索橋造法

種族

戶口

官制

壹 縣府

貳 瓦寺土司

- 一・瓦寺土司歷史
- 二・瓦寺現住土司
- 三・瓦寺土司之統治組織
- 四・番民與土司
- 五・土司與縣府
- 六・土司之衰落

交通

壹 灌縣經汶川達茂縣路線里數

貳 由汶川縣城到臥龍關之路

叁 其他小道

肆 運輸

民政

汶川概况目錄

一一

祠堂街玉林長代印

壹 縣府組織概况

貳 分區

叁 保甲

司法

壹 司法機關

貳 訟費

財政

壹 糧稅

- 一・漢民糧稅
- 二・番糧
- 三・糧稅合銀數目

貳 茶法

叁 鹽法

肆 縣府開支

教育

警團

壹 編隊

貳 槍支

叁 夷區

儲郵

壹 倉儲

貳 賑恤

墾務

壹 荒地面積

汶川概況目錄

物產

貳 荒地情形

壹 動植物

- 一・食用植物及觀賞植物
- 二・動物鳥獸虫魚
- 三・竹木
- 四・其他

貳 農產物

叁 茶葉

肆 藥材

伍 礦產

禮俗

壹 羌俗

貳 番俗

生活情况

壹 邊地農民生活

貳 羌民生活

名勝古蹟

汶川概況目錄

四

祠堂街玉林長代印

中華民國二十八年七月編繪二十九年一月印刷

汶川縣



尺 例 比
1 : 200000

國民政府軍事委員會委員長成都行轅第一處調製

木之名，良不誣也，雪龍嶺在舊治北，卽西岷之頂也，人跡罕到，與九峯相對，而高過之。

二·雁門山 在舊治北二十里，隋志有雁門山，卽此山也。

三·玉壘山 舊治城里許，縣徙，爲威州主山，奇石千尺，翠蒼可挹，鑄玉壘山三大字甚奇古，或曰宋淳熙時書也，華陽國志蜀山氏王蜀，以褒斜爲前門，以熊耳靈關爲後戶，以峨眉玉壘爲池澤，或謂在灌縣西二十里，今灌西山巔有玉壘峯，有玉壘墩，灌城有玉壘關，成都有玉壘坊，又有玉壘堂，皆非。

四·岷峽 在舊治南三里，有奇峯屹立，刻字於上。

五·七盤山 在縣北三十里，有七盤路，險要非常。

六·塗禹山 俗呼爲同靈山，土司住宅在江外，或云山上舊有瓦寺，故曰瓦寺也。

七·道角山 在治北關內，馬道人修真處，有洞曰道角洞。

八·白土坎元陽洞 在治北江外羊山，相傳爲馬真人得道處。

九·須彌山 一名壽山，在縣治二里外蘇村，山上有燈如火毬，見之者貴，歲有科名，則神燈現。

十·掛榜山 在縣治學宮之右，如掛榜然。

十一·河展山 在城西江外五里許，山腰大坪，諸峯羅列。

十二·襄陽山 在縣東，隋志，北川縣有襄陽山。

十三·飛沙嶺 一名鳳嶺，在縣治南十里，絕高，小道盤旋，路爲沙壅，下臨深淵，時時大風吹沙上飛，或曰

汶川概況

一一

祠堂街玉林長代印

山下池水一泓，爲楊貴妃少時浴澡處也。

十四·羊後山 縣南十里，頂上有平地，名劔兒坪。

十五·馬鬣山 在縣河西新疆路。

十六·龍泉山 在縣南四十里，下有龍泉，祈禱有應，一名駿馬泉，若牧馬山側，多產駿騎。

十七·白雲山 在興文坪，舊有白雲古剎，今廢。

十八·巨人山 在治南。

十九·娘子嶺 在治南一百里，一名銀嶺山，嶺高絕約三十里，夏秋多雨，春冬積雪，望若銀臺。

二十·白岩岡 在縣南一百二十里，高十里。

二一·濕坂山 在縣南，水經注云，自汶山故郡西南一百八十里至濕坂，元和志云，在縣南一百三十里，嶺上樹木森鬱，常有水滴，元一統志作濕凍嶺，在今之趙二壩，爲大江流出岷山之處也。

二二·天彭山 一名汶山，在灌縣北三十里漩口對面，汶山出口處，東西二山爲峽，壁立千仞，李冰謂爲天彭門，李膺名爲天門關。

河流

〔汶志記略〕 所載如左：

- 一。岷江 一名汶江，大江之總名也，山海經云，大江出汶山，北江出曼山，南江出高山，高山在成都西，董生曰，岷江之源，古稱濫觴，東源弓榑嶺，與漢水分流者第一源，與嘉陵江分流者為二源，與潼川分流者為三源，西源自人墮出岷溝，與瀘河分流者為一源，與雅河分者為二源，與邛河分者為三源，由茂州會東路之水，至保縣會西河之水，入汶為玉輪江，會草坡漁溪之水，是江之東源有四，西源有五，東源水白色，質微重，西源水黑色，質微輕，今簡州產鹽，白色，東源之水也，嘉定產鹽青黑色，西源之水也。
- 二。玉輪江 出玉壘山後，經次玉村流入保關城內，經玉壘脚下，出北門入大江。
- 三。湍水 出玉壘山，中經新保關，東流入江。
- 四。桃川 在縣治南三十里，山溪也，水自溝中出，兩山桃樹盛開，有桃關溝。
- 五。油溪 水在溝內四十里，自龍池流出，地名大寺坪，形如偃月，闊三十餘畝，九嶺環抱，九澗歸池，左右漩作如意形，三抄三疊而下，中有二白龍，長可二尺，池上有鴛鴦一雙，敗葉入池即啣出，每遇旱祈禱，請水一瓶，池中起泡，出霧一縷，須臾膚寸而合，澍雨隨注，其水自溝中出，經油溪出楠木園入大江。
- 六。龍洞 在治南一百三十里，為龍池之水，入深澗中，石壁對峙，道斷懸石板為棧，寬不容車，壁書龍洞二字，又書「關塞極天」，水至此分一半入洞裏，不知所之，或云從楠木園山下流入大江也。

氣候

壹 溫度及季候

汶川概況

三 祠堂街玉林長代印

〔汶川教育科長周欽漢報告〕 天氣最寒時可華氏表零下十度，最熱七八十度，每年寒期亦長，約自陽歷十月便入冬，至次年三四月方可暖和。

貳 旱澇

〔汶志紀略〕 邑人董生曰，「縣自沙平關以上多風，常患旱，自映秀灣以下多雨，常患澇。」

參 風雨

〔汶志紀略〕 冬春積雪，早晚生雲，霾霧彌淪，烟嵐橫罩，雷生屋角，雨起山腰，怒浪奔濤，揚沙飛石，風土之猛，無異沙漠。

建置

壹 縣城

一。城垣

〔汶志紀略〕 汶川舊城在今新保關城上古城坪，正德七年生番襲破霸州，徙玉壘更名威州，遷汶川於寒水驛，今汶城絕小，因驛治也，舊以山石砌垣，壞於康熙戊子之大水，年久未修，乾隆二十八年知縣李天駿詳請動項修建，仍以山石亂砌，塗以白堊，名曰虎皮石城，高一丈八尺，底寬九尺，頂寬六尺，週圍二百八十丈，壕口五百二十八個，上下二門，南曰永豐，北曰寧遠，城樓二所。

青土坪墩 距城五十五里，成化十二年置，三姐等番要隘，今廢。
七盤關 距城三十五里。

三教灣墩 距城十五里，正德十四年，曲山諸番入寇，兵備吳公希由設，係曲山竹打等番要隘，今廢。
上關 距城里許，在索橋上，嘉慶五年春新建。

索橋關 治北門外索橋頭，距城一里，乾隆二十五年，知縣李城桂，詳設稽查鹽茶，影射及漢羌番民之出入。
汝堡 在縣河西，距城三里，正統七年設，界內有蘇村，係草坡等寨番蠻出沒隘口，內提督官一員駐紮，戍官一員，戍軍四十三名，各墩土番兵一百三十七名，今廢。

遠安堡 在縣河西，距城十五里，正德十三年，副使楊公維磨設，界內板子溝，係曲山竹打等寨番蠻出入要隘，今廢。

下關 距城里許，在城南門下，嘉慶五年春新建。

了子口墩 距城五里，嘉靖八年，兵備簽事戴公元設，界內有大溪口係草坡番過河剽掠隘口，今廢。

落潭墩 距城十五里，正德五年設，有礮頭村，係草坡番蠻出入要隘，今廢。

馬原堡 距城三十里，在馬原山嶺，當草坡番蠻出入路口，隆慶二年，平草坡蠻，議改簇頭村，修砌城垣樓櫓，增置官府，內設掌堡官一員，備守威州主軍四十名，成都衛戍兵六十名，各墩土番兵五十名，今廢。

飛沙關 在城南十里，山絕高，中通一線，下臨大江。

汶川概況

五

祠堂街玉林長代印

桃關 在治南三十里，戴家坪索橋之下十里，乾隆四十一年，兩金蕩平，關地千餘里，安設新疆，懋功，崇化，撫邊，綏靖，慶寧五營關，當中外之交，分駐縣丞一員，特設把總一員，兵丁三十名，分防口外五塘，乾隆五十四年，奉裁縣丞，將典史移駐。

徹底關 治南四十里，峭壁千尋，飛濤百丈，爲松茂第一要隘。今設之以盤詰漢番羌民之出入者。

草堂堡 在徹底關河西，唐設之以禦草泉溝口者，今廢。

沙坪關 距城四十五里，唐設之以禦駿馬泉溝口者，今廢。

中灘堡 距城一百里，在水田壩河西，唐時於中灘設堡，漁子溪設汛，千溪設堡，大小河建橋，有警三汛相應，今惟千溪有汛兵，餘俱廢。

千溪堡 距城一百里，古設之以應中灘堡，據娘子嶺。

獠神關 距城一百五十里，今名鷓子山，瓦寺與灌縣交界處，有設關遺址，爲金川小道，

曲尺寨 距城一百三十里，今名寨子坪，屬灌縣。

慕義墩 在光溪溝後與鹿耳只臺等寨相鄰，係黑虎，三姐，等番出沒隘口，今廢。

社壇墩 在龍溪溝後，宏治十五年設，今廢。

茶關 古蠶岩關，治南一百四十里，爲縣治門戶，蜀郡屏藩，江山險絕，巖岩通道，設之以盤詰出入者，與青雲相應，今設汛防把總一員，汛兵四十名。

臥龍關 在口外瓦寺地，距城三十里，兩金蕩平，設千總一員，兵丁五十五名，分防瓦寺地界，安設九塘。

按唐書李德裕字文饒，贊皇人，太和四年，爲西川節度使，自南詔吐蕃選悉邊事者，訪以山川城邑，道路險平遠近，未逾月若躬嘗涉歷，又築柔遠城，乃練士卒，葺城堡，積糧儲，以賑饑民，禁鬻女以繁生齒，董生敏德云，李德裕克吐蕃，於維州路設五軍，汶川地設三軍，松茂路設三十六關堡，汶地有四關五堡，於松建七層樓，茂建鎮岷樓，維建籌邊樓，次建七盤樓，今其基址俱存，又云衛公設三軍曰通鶴，柔遠，見唐書，薛氏曾曰，汶茂之間，舊有千溪城，柔遠城，宋恭城，新山城，通鶴城，龍溪城，望漢城，安達城，擋狗城，共九城。

按汶有十溪堡，保縣有擋狗城，柔遠城在治北七盤溝，通鶴城，在今之雁門，餘無考。

肆 橋梁

〔汶志紀略〕

一·橋名

太平橋 一曰鈴繩橋，在治北關內，通瓦寺番地，橋以繩爲之，而懸鈴其上，其繩用細竹爲心，外裹篾索，長四十八丈，索用三股合爲一股，圍一尺五寸，橋寬八尺左右，各四繩，傍用木欄翼之，橋欄杆之底有橫木相扶，底用一十四繩，上鋪密板，可渡牛馬，東西兩岸約五十步，平立兩柱，柱長六丈，謂之將軍柱，柱有架梁，繩繞梁過使不下墜，東西各建層樓，樓下各立大柱以繫繩，歲時修補。

汶川概況

六

祠堂街玉林長代印

桃關 戴家坪索橋一道，爲新疆各屯咽喉隘口，乾隆四十一年蕩平兩金，奏請修設，以通往來文報，視太平橋更大，三年一修。

蜀水經云，桃關本名陶關，明初四川都司遣兵修橋梁及關，汶川土人孟道貴集部落拒阻於此，有索橋橫江，爲金川要隘。

實字記曰梁普通三年，於桃關置繩州，取桃關之路，以繩爲橋。

慶昇橋 在縣南一百二十里尤溪溝口，每夏秋水漲，行人病涉，嘉慶五年貢生陳先達捐建石橋以利濟，名曰慶昇，先是邑貢生楊一揆建石橋於其地，名仲和橋，乾隆三十八年爲大水冲毀，歲庚申，陳生乃因其地而建焉，越年工竣，署縣令任會葵記其事。

鎮遠橋 在茶關外，距城一百四十里。

萬人橋 在豬腦壩，距城一百四十里。

大邑坪橋

草坡板橋

跟達橋

頭道橋

二道橋

三江口橋

黑石江橋

永鎮橋 在縣西登溪，距城十里，通瓦寺地。

二·繩橋造法

蜀水經曰 繩橋之法，先立兩木爲柱，架梁於上，以竹爲絙，乃密布竹絙於梁，繫於兩岸，或以大竹籃盛石於上，又以竹縷布於繩，夾岸以爲機繩，緩則轉機收之，僧智猛所謂水崖皓然，百千餘仞，飛絙爲橋，乘虛而過，窺不見底，仰不見天，寒氣慘酷，影戢魂慄是也，又有度索尋樺之橋，大江水急如箭，兩山之繩繫索爲橋，中剝木爲筒，拴繫行人於上，以手自緣索到彼岸，則旁有人爲解其繫，尤極危險。

吳缸錄曰 繩橋長百二十丈分爲五架，橋之廣十二繩相併排連，上布竹笆，攢立大木數十於江沙中，輦石以固其根，每數木作一架，掛橋於半空，大風過之，掀舉幡幡然，大略如漁人晒網，染家捧帛之狀，須捨與疾步，稍從容則震蕩不可行，望者失色。

三·溜索橋造法

溜索，縣屬境內皆有其法，用淨篾絲爲繩，去來各一，繫有低昂，又採堅木剝削如半邊竹筒，長一尺謂之溜壳壳上有孔，行人渡者合於篾繩用麻繩繫人腰，穿溜壳之小孔，縛繫兩手而飛渡。

汶川概況

七

祠堂街玉林長代印

種族

〔汶川縣教育科長周鈇漢報告〕 列表如左：

汶川縣種族表

種族名	過去沿革	分佈區域	語言文字	性格	所操職業
漢	內地人前往墾種現在以安岳遂寧潼川樂至爲最多	沿岷江之城鎮及其他交通較便地	漢語漢文	多勤苦但有雅片癖者亦多	多業農次爲商賈小販及公務員
瓦寺土司	瓦寺土司自稱係由西藏遷來	瓦寺土司之耿達橋及臥龍關高山瓦寺土司之其他地已爲漢民	原有藏語藏文現已少人學習	忠實拘謹但多數吸烟較漢族尤普通	全體業農兼經牧畜挖藥
羌	相傳爲汶境一帶之原始種族大半已同化	汶城以北之一帶山地	漢羌兩語俱用無文字有少數習漢文	勤奮守法有少數吸烟	全體業農牧兼挖藥狩獵做貿易者很少
回	由甘肅及青海入川	地市地方	通用漢文	團結力甚強	經商

補〔第十六區謝專員培筠報告〕 節錄如左：

汶川縣屬土司 僅瓦寺宣慰司一部落，管轄二十八寨，地域廣大，數倍於原汶川縣直轄區域，唯以緊接內地，漢化甚深，所管百姓，入贅及自往墾殖之漢人，約佔半數以上，歷代土司對於政府，亦均效命唯謹，現任土司索觀溥人極平庸，已無統治所屬之能力，僅成一大地主，原管寨落，均經汶川縣編組保甲，與齊民等量齊觀，雖未明令改土，確已完全歸流矣。

〔四川省建設廳川西北墾牧調查報告〕 番夷狀況

汶川縣以漢人居多，其原有羌戎，大都漢化，除居縣北邊界高山之番民，尙能說羌漢兩口語外，其居縣城附近之番民，則只通漢語，而不能說羌話，其據有土司兼宣慰使之職者，只有瓦寺土司，原爲烏斯藏加渴人，語言同嘉戎，於明中葉，納貢土物，正統元年，威州孟董九子黑虎等寨，牛番跳梁，遂奉調出藏，剪除諸番，卽就所勦汶川之塗禹山瓦寺地，給予宣慰使，世襲土職，及後對征服羌番，皆冒死前驅，屢立戰功，其住牧範圍亦逐漸廣大，至今日竟有東西南北各約二百里見方之土地，約佔汶川縣全面積三分之二，茲因其接近腹地，人民多已漢化，所管二十八寨，現已編組保甲。

戶口

汶川縣教育科長周鉄漢報告 所載如左：

汶川概況

八

祠堂街玉林長代印

種族	名	戶數估計	每戶平均人口假定數	人口估計	備	攷
漢	民	四・〇〇〇	五・五	二二・〇〇〇		
瓦寺土司	番民	一・五〇〇	五・五	八・〇〇〇	純粹爲其族者二三百戶其餘爲混種	
羌	人	一・〇〇〇	五・五	五・五〇〇		
回	民	二〇〇	五・五	一・一〇〇		
總	數	六・七〇〇	五・五	三六・八〇〇		

〔屯政紀要〕 所載如左：

族別	戶數	人口數	備	攷
漢族	三，三六〇	一七，四〇〇		
番族	一，四〇〇	七，五〇〇		
共計	四，七六〇	二四，五〇〇		

〔省政府檔籍〕 所載左如：

戶數 四・二二一

人口總數 二〇・八二一
壯丁數 五・六一〇

補〔第十六區專員謝培筠報告〕本縣現存番夷部落概況表

部落名稱	首領姓名	溝寨數	戶數	備
瓦寺宣慰司	索觀澤	二十八寨	一千餘戶	已編保甲

官制

壹 縣府

〔四川省政府公報〕所載如左：

職別	員額	月薪	薪備	考
縣長	一	二八〇		
秘書	一	一二〇		
科長	三	三〇〇		
科員	六	三〇〇		

汶川概況

九 祠堂街玉林長代印

警佐	督學	技士	辦事員	雇員	政警	公役
一	一	一	六	一〇	一二	二〇
六〇	八〇	八〇	一八〇	二〇〇	九八	一四四

〔附註〕本縣爲三等縣，每月例支二千一百二十二元，由省庫支六百元，其餘由地方公款開支，詳見財政門。

貳 瓦寺土司

一。瓦寺土司歷史

〔汶志紀略〕瓦寺土司索諾木氏，舊稱桑明氏烏斯藏加渴人，其先世雍中洛忠與兄桑朗納思霸，明中葉貢土物，正統六年威州孟董九子黑虎等寨生番跳梁，羅洛思奉調出藏剿除諸番，卽住箭汶川之塗禹山瓦寺地，給宣慰使印，世襲土職，羅洛思卒，子克羅俄堅燦嗣，俄堅燦卒，子直巴箭什嗣，箭什卒，子滿葛喇嗣，葛喇卒，子

舍利永中嗣，永中卒，子占叫加嗣，占叫加卒，子南葛嗣，南葛卒，子亦舍雍中嗣，中雍卒，子甲思巴嗣，甲思巴卒，子南吉兒賈士八嗣，賈士八卒，子南吉二朋嗣，隆慶二年草坡番作亂，寒水土巡檢高茂林被害，南吉二朋以土兵討定之，二朋卒，子舍躬嗣，萬曆中以草坡十二寨土蠻地給舍躬安插，舍躬卒，子山查兒加嗣，兒加卒，曲沃太嗣，當是時張獻忠據成都將略松茂，兵至徹底關，曲沃太以兵守關，賊不得過，乃由太平溝繞出關後，曲沃太退守本寨，曲沃太卒，曲翊仲嗣，自羅洛思歷十四世至曲翊仲，清順治九年，平定全蜀，曲翊仲首先投誠，繳宣慰使印，奉旨給加馮瓦寺安撫使印號一紙一道，康熙二年雜谷阿明亂，曲翊仲率土兵隨官兵進剿，事定，賞予有差，吳三桂之略四川也，成都失守，曲翊仲以兵守茶關，誓不從逆，既而縣屬通山五寨羌人圖變，二十年負固不服，曲翊仲以兵臨之，皆歸誠，地方遂定，曲翊仲卒，子坦朋吉卜嗣，康熙三十九年爐蠻亂，坦朋吉卜從官軍直抵新路，爐蠻逃，循至那咱頂殲焉，坦朋吉卜卒，子桑朗溫愷嗣，康熙五十九年，官兵進藏，調土兵六百名於拉裏巴塘地方護送糧餉，又隨征郭羅克地，均有功，加宣慰使銜，溫愷卒，子桑朗容忠嗣，乾隆十七年雜谷土司蒼旺作亂，容忠奉派領兵直搗雜谷，奪取官寨并喇嘛寺，招撫日猪卜地等寨，從官軍竟抵松崗，雜谷平，至三十二年，而小金川事起，先是兩金川土司以互噬啓釁，十三年相傳大兵進討後，金酋每於隘口山巔可通人行處，添修戰礮，排比相連，久蓄異志，辛卯遂起兵圍沃日，與小金川相接處八十里，先有備，寨固不得破，乃分兵越沃日，逕出巴朗山紮營，瓦寺聞變，即遣土弁帥兵迎敵，紮巴朗山之臥龍關，互有殺傷，進攻山神溝，得爾密等處，以故賊不得出，而大兵隨至臥龍關，分道進討，卒蕩兩金，置屯政府，容

汶川概況

一〇 祠堂街玉林長代印

忠卒，子榮宗嗣，母麥氏調育有方，四十四年奉派進京，賞給二品頂戴，五十五年奉改桑朗爲索諾木，賜花翎一羽，及征郭爾喀也，遣兵弁領二百人從大軍進討，事定優賞，秀山事亦派兵從戎，已而教匪事起，又以兵從元戎分路勦除，以功加陞宣慰使，給瓦寺宣慰司印號紙一道。

二·瓦寺現任土司

〔川西邊事輯覽〕 土司原爲索代賡號季泉，人極機警，兼任屯殖督辦署屯殖軍第一隊長，民國廿年隨軍征伐黑水夷人於維古地方殉難，當由二十八軍部及屯殖督辦署委任其子索觀濤代理屯殖軍隊長。

三·瓦寺土司之統治組織

〔汶川縣教育科長周鉄漢報告〕 所載如左：

甲·統治區域 瓦寺土司轄地共廿八寨，（總管共轄廿七寨，土司轄官寨）在汶川縣之西北區，土司以下分統管，即頭人各轄若干，如後表：

瓦寺土司之五總管轄地區分表

總管姓名	轄地範圍	總管署所在地	備
王 某	第三區內之四山三寨	殷家壩	攷
董克勤	草坡十一寨	草坡	

明世澤	耿達橋三寨	耿達橋
林鎮江	臥龍關五寨	臥龍關
徐清福	三江口五寨	三江口

乙·土署組織 土署設有下列人員：

- 一·文案一人，類似書記，同起草稿件等。
 - 二·司書二人，即繕寫稿件者。
 - 三·內管家一人，司儲藏銀錢什物等。
 - 四·外管家一人，司購置買賣事項。
 - 五·繙譯。
 - 六·傳號若干人，即傳達。
 - 七·管山若干人，司各寨山地出產，（歸土司所有者），在外居處，未住衙署。
- 此外如遇兵役訟案，及收納糧稅山價之事，土司不能兼顧時，則視當時情況，飭令土舍辦理，土舍爲土司族人，其先世便享有土司分封之領土，襲遞至今。
- 丙·土司地方統治制度 地方政治由大小頭人治理，稍大事件，上訴土司，大頭人即總管，分轄數寨，至十餘

汶川概況

祠堂街玉林長代印

寨，小頭人稱曰寨首，只管一寨，承受總管之指揮，均係代土司經營糧稅及調派輪班服役之夫役，審理訟，（小頭人無理訴訟）編練士兵等事，每寨尚有鄉約一人，輔助寨首，傳達上級命令於該寨民戶。

四·番民與土司

甲·納糧 土司所轄之民，概編爲士兵，稱曰班，每兵一名，授田一份，據說爲一石四五斗種，每斗約當內地一畝，每兵一名，年課糧稅五斗上下，如產貝母之地，則納貝母二三斤。

乙·當差 每名兵額，年須上班一二月，須自備口糧，因故不到，得折錢繳納，（最近係折錢四十千文）。倘遇兵役，則須聽從調遣，火餉由調派者發給，士兵須自備兵械。

丙·夷民與土舍 土舍爲土司之宗族，領有地土者，多數土舍因豪奢淫侈，入不敷用，橫征暴斂其居民，（原土民做其地者，逕與之納糧，不復再與土司上納），居民不堪其苛政，往往棄地而逃，如經捉獲，便受嚴刑。

五·土司與縣府 土司受縣府之管轄，每年納糧十三兩八錢，境內訴訟在土署訊後，不服者，往縣府申訴，縣境有守備之處，縣府令土司調兵供役。

六·土司之衰落 瓦寺土司由明代遷至汶川，歷時三四百載，人口漸減少，真正瓦寺土司種族之民，只二三百戶，攷其原因，不外下列二點：

土司境內領土不行買賣，但遇土舍及土司奢侈耗用，有將地土典押漢族農夫，以後不得徵糧上稅，漢

民照習只服縣官管轄，土司不能干涉，由此漢民日衆，土司政治權，領土權日削。

番民嗜雅片，多好逸樂，番家情願招漢民子弟上門，（即贅婿）或嫁其女來漢家，其子孫以後均自認爲漢民，由此種族逐漸混合，漢化進程日快，而土司之種族，基礎日以毀滅，從國家立場着想，固爲統一前途慶幸。

〔屯政紀要〕 故土司索代廣亡後，未准承襲。土職無形撤廢，業將全境編組團甲，惟土地制度未經改革，土司政權，尙存一部。

交通

壹 由灌縣經汶川達茂縣路線里數

〔川西邊事輯覽〕 由灌縣至白沙八里，由白沙至麻柳灣五里，由麻柳灣至龍洞十一里，由龍洞至龍溪鎮六里，由龍溪鎮至銀台觀十五里，由銀台觀至映秀灣十五里，由映秀灣至豆芽坪十里，由豆芽坪至東界腦十里，由東界腦至興文坪十里，由興文坪至銀杏坪十里，由銀杏坪至徹底關十里，由徹底關至桃關十里，由桃關至索橋十二里，由索橋至飛沙關八里，由飛沙關至汶川縣十里，由汶川縣至白魚落十里，由白魚落至七盤溝十九里，由七盤溝至威州十一里，由威州至雁門關九里，由雁門關至青坡十一里，汶川與茂縣交界於此，逾此至文鎮爲茂縣極南之鎮，北走爲入茂縣大道。

汶川概況

一一一

祠堂街玉林長代印

上列二段路線表列如下：

甲·灌汶段

起 止 地 點	里 數
灌縣至白沙	8
白沙至麻柳灣	5
麻柳灣至龍洞	11
龍洞至龍溪鎮	6
龍溪鎮至銀台觀	15
銀台觀至映秀灣	15
映秀灣至豆芽坪	10
豆芽坪至東界腦	10
東界腦至興文坪	10
興文坪至銀杏坪	10
銀杏坪至徹底關	10
徹底關至桃關	10
桃關至索橋	12
索橋至飛沙關	8
飛沙關至汶川縣	10
合 計	150

乙·汶茂段

起 止 地 點	里 數
汶川至白魚落	10
白魚落至七盤溝	19
七盤溝至威州	11
威州至雁門關	9
雁門至青坡	11
青坡至文鎮	16
合 計	76

貳 由汶川縣城到臥龍關之路

〔汶川縣教育科長周鉄漢報告〕 由汶川縣城六十里到草坡，由此經天成山到耿達橋，約百二十里，自此左走，可到洞壩，右走可達臥龍關，均在灌懋大道上。

叁 其他小道

〔汶川縣教育科長周鉄漢報告〕 所載如左：

到理番縣境 由汶川城到草坡，由此西行到雪龍山，左順丹札木溝可到雜谷腦，右走順蒲溪溝，到威州理番縣城大道，順甘溪溝到甘溪，順通化溝到通化，皆在威理大道上。

到懋功縣境 由耿達橋經三公館，正溝坐棚入懋功境，沿是平溝可抵懋功之日隆關。

到彭縣境 威州出東門約五里到別立村，再五里至水井灣，此地多雨，設有小學校於此，再六七里至下白水，產藥材甚豐富，再經青坡通山岩，花果園等寨，約二百餘途程，可達彭縣城。

肆 運輸

〔汶川縣教育科長周鉄漢報告〕 岷江在汶川境內，不通舟楫，運輸賴騾馬馱載，及人夫挑負，翻山越嶺，措負較便，邊地盛行之，沿途猶有軍隊估支烏拉情形，覓區正負責，常惹糾紛。

措負與騾馬運輸比較表

汶川概况

一三三

祠堂街玉林長代印

種類	騾	馬	措	負
能載重量	二百四五十斤		百二三十斤上下	
日行里數	五六十里		三四十里	
每日價值	七八角至一元		多以斤計如由汶至灌每斤力價五百文水貨約六百文	

〔註〕 以二千五百文作一角計

附一 驛站

〔汶志紀略〕 所載如下：

桃關驛在治南三十里

映秀驛在治南九十里

右二驛額設馬八匹，馬夫四名，遞送新疆往來文報，照例按日支給草乾夫工銀兩，按舊設寒水驛，即今縣治也，太平驛在治南七十里，今廢。

附二 舖遞

〔汶志紀略〕 所載如下：

底塘舖，在縣城內。

三店舖，在治南十里。
 大邑坪舖，在治南二十里。
 桃關舖，在治南三十里。
 徹底關舖，在治南四十里。
 銀杏坪舖，在治南五十里。
 與文坪舖，在治南六十里。
 清水驛舖，在治南七十里。
 豆耳坪舖，在治南八十里。
 映秀灣舖，在治南九十里。
 娘子嶺舖，在治南一百里。
 尤溪舖，在治南一百二十里。
 豬腦霸舖，在治南一百四十里。
 白魚落舖，在治北十里。
 板橋舖，在治北二十里。
 七盤溝舖，在治北三十里。

汶川概況

一四

祠堂街玉林長代印

威州舖，在治北四十里。

民政

壹 縣府組織概況

〔四川省政府檔籍〕 已遵令裁局改科，合署辦公，餘詳本編官制門。

貳 分區

〔四川省政府檔籍〕 縣以下分三區，一區署在縣府，二區署在龍溪，三區署在三江口。

參 保甲

〔四川省政府檔籍〕 共設聯保主任七，保甲四十二，甲長三百二。

附汶川縣舊時分區表

〔汶川縣教育科長周鉄漢報告〕 所載如左：

區名	所轄區域	區公所所在地
第一區	縣城附近板橋與與文坪之間	縣城
第二區	板橋以北至茂縣境	不詳
第三區	前瓦寺土司境	草坡



理番勘誤表

頁數	前後	行	數	字	數	誤	正
十九	後	七		五下			覺
四一	後	九		廿二下			淵
四四	前	一		八		袈	架
四六	前	十一		一 二 三		布係信，	布，係信
四八	前	二		二 三		可不	不可
五一	前	三		三十		或	衍

理番勘誤

桐堂街玉林長代印